

所


卷

八

藏

江蘇古籍出版社

衡本郡齋讀書志 一



衢本郡齋讀書志

一

江蘇古籍出版社

四庫未收書提要

擘經室外集卷二

衢本郡齋讀書志二十卷提要

宋晁公武撰姚應續編應續公武門人此書在宋時已兩本並行淳祐庚戌鄱陽黎安朝守袁州所刻謂之袁本四庫全書已著錄是編淳祐己酉南充游鈞知衢州時所刻其所收書較之袁本幾倍之馬端臨作經籍考全據是冊如京房易傳宋太祖實錄太宗實錄建康實錄之類悉與之合其文亦多至數倍伏讀四庫全書提要云衢本不可復見此從舊鈔依樣影寫經凡十類史凡十三類子凡十八類集凡四類

次序有法足為考核之資

昭德先生邵齋讀書志序

杜鄴從張京兆之子學問王粲為蔡中郎所奇皆盡
得其家書故鄴以多聞稱而粲以博物顯下逮國
朝宋宣獻公亦得畢文簡楊文莊家書故所藏之富
與秘閣等而常山公以瞻博聞於時夫世之書多矣
顧非一人之力所能聚設令篤好而能聚之亦老將
至而耄且及豈暇讀哉然則二三子所以能博聞者
蓋自少時已得先達所藏故也公武家自文元公來
以翰墨為業者七世故家多書至於是正之功世無
與讓焉然自中原無事時已有火厄及兵戈之後尺

素不存也公武仕宦連蹇久益窮空雖心志未衰而無書可讀每恨之南陽公天資好書自知興元府至領四川轉運使常以俸之半傳錄時巴蜀獨不被兵人間多有異本聞之未嘗不力求必得而後已歷二十餘年所有甚富既罷載以舟即廬山之下居焉宿與公武厚一日貽書曰某老且死有平生所藏書甚秘惜之顧子孫稚弱不自樹立若其心愛名則為貴者所奪若其心好利則為富者所售恐不能保也今舉以付子他日其間有好學者而後歸焉不然則子自取之公武惕然從其命書凡五十篋合吾家舊藏

除其複重得二萬四千五百卷有奇今三榮僻左少
事日夕躬以朱黃讎校舛悞每終篇輒撮其大旨論
之豈敢効二三子之博聞所期者不墜家聲而已書
則固自若也倘遇其子孫之賢者當如約
紹興二十一年元日昭德晁公武序

門人姚應績編

昭德先生郡齋讀書志目錄

門人姚應績編

卷之一

經類總論

易類

書類

卷之二

詩類

禮類

樂類

卷之三

春秋類

孝經類

卷之四

論語類

經解類

小學類

卷之五

史類總論

正史類

編年類

卷之六

實錄類

雜史類

卷之七

偽史類

史評類

職官類

卷之八

儀注類

刑法類

地里類

卷之九

傳記類

譜牒類

書目類

卷之十

子類總論

儒家類

卷之十一

道家類

法家類

名家類

墨家類

縱橫家類

卷之十二

雜家類

農家類

卷之十三

小說類

天文類

星歷類

卷之十四

五行類

兵家類

類書類

卷之十五

藝術類

醫書類

卷之十六

神仙類

釋書類

卷之十七

集類總論

楚辭類

別集類上

卷之十八

別集類中

卷之十九

別集類下

卷之二十

總集類

文說類

昭德先生郡齋讀書志目錄

昭德先生郡齋讀書志卷之一

門人姚應績編

自漢武帝之後雖世有治亂無不知崇尚典籍劉歆始著七略總錄群書一曰輯略二曰六藝略三曰諸子略四曰詩賦略五曰兵書略六曰術數略七曰方技略至荀勗更著新簿分為四部一曰甲部紀六藝及小學等書二曰乙部有古今諸子家及兵書術數三曰丙部有史記及故事四曰丁部有詩賦圖讚勗之簿蓋合兵書術數方技於諸子自春秋類摘出史記別而為一六藝諸子詩賦皆仍歆舊其後歷代所編書目如王儉阮孝

緒之徒咸從歆例謝靈運任昉之徒咸從勗例唐之分
經史子集藏於四庫是亦祖述勗而加詳焉歐陽公謂
其始於開元誤矣今公武所錄書史集居其半若依七
略則多寡不均故亦分之為四焉

經之類凡十其一曰易二曰書三曰詩四曰禮五曰樂
六曰春秋七曰孝經八曰論語九曰經解十曰小學合
二百五十五部計三千二百四十四卷孔氏之教別而
為六藝數十萬言其義理之富至於不可勝原然其要
片言可斷曰修身而已矣修身之道內之則本於正心
誠意致知格物外之則推於齊家治國平天下內外兼